

Tiwsatin n yidrisen

1. Seg tsekka yer tewsit

Yella umgired gar tnakti n *tsekka n uḍris* d tin n *tewsit n uḍris*. Tamezwarut temmal-d ayen yellan d amadwan, ayen yezdin timettiyin akk : ulac timetti ur d-nettales ara (ullis), ulac timetti ur d-ngellem ara (aglam), ...

Ilmend n Touratier (2010 : 226) Jean-Michel Adam yenna-d llant semmus (05) n tsekkwin, d nutenti d adasil (llsas) n yal afaris aḍrisan. Akken yebyu yili uḍris, nezmer ad d-nsers deg yiwet gar tsekkiwin-a. isemma-yasent-akka :

- le prototype de la séquence narrative
- le prototype de la séquence descriptive
- le prototype de la séquence argumentative
- le prototype de la séquence explicative
- le prototype de la séquence dialogale

2. Tawsit

Ilmend n Meksen (2016 : 198), tanakti n tewsit tennulfa-d deg tazwara deg unnar n tsekla i ueḡal d usesmel n yifuras yellan deg unnar-a.

« Cette notion de genre, née d’abord en littérature sert à catégoriser les productions écrites par rapport à des critères identifiables, ainsi : « *les genres sont censés permettre de repérer et de classer les différents textes littéraires, qu’ils appartiennent à la prose ou à la poésie.* » (Charaudeau & Maingueneau, 2002). »

Maca tanakti-ya n tewsit ur teqqim ara kan deg unnar n tsekla, tekcem deg yinurar-nniḍen i yessexdamen dayen ameslay (ney tutlayt). tabdert-a n Cuq (1990) i d-yebder Meksem (2016 : 199) tessegzayen-d aya akken iwata :

« Dans la typologie des textes et discours, on peut ainsi distinguer des types comme le narratif, le descriptif, l’argumentatif, etc., et des genres, caractéristiques de l’institution littéraire comme le conte, la nouvelle, etc., qui mêlent moments descriptifs et moments narratifs. D’autres institutions, comme la presse par exemple utiliseront à un moment donné un autre éventail de genres. Alors que les types abstraits seraient *a priori* stables diachroniquement et synchroniquement, les genres varieraient d’une manière très sensible en fonction des époques et des cultures comme le montrent les genres littéraires ou scolaires. »

Ad nefhem da dakken, deg wayen yerzan tisekkiwin yella usemgired gar wayen yellan d ullis, ayen yellan d asfukel, ayen yellan d aglam,... Tasekla, d annar iman-is, tessemgirid gar wayen umi temma tiwsatin (n tsekla) akka am : tamacahut, tullist, ungal,... Maca llan tsuddutin-nniɗen, akka am tyamsa anda yella usemres n tewsat-in-nniɗen akka am reportage, enquete journalistique,...

Ihi, tisekkiwin d ayen yellan d urkid ma d tiwsatin d ayen yettbeddilen ilmend n talliyin, n yidelsan. Tiwsatin n tsekla ur ɛdilent ara seg tmetti yer tayed : tella yiwet n tallit anda ay ulac deg tmaziyt tullist, ungal,... tella dayen tallit anda ay ulac ayen umi sawalen *tiwsatin n uyerbaz* acku tamaziyt ulac-itt deg uyerbaz.

Akken i tkeččen tutlayt deg tayulin timaynutin, ney deg yirmuden imaynuten, ideg ur telli ara yakan, akken i d-ttnulfunt tewsat-in timaynutin.

« Tiwsatin n yiɗrisen d tirmad tidelsanin ilan assay d tmetti ideg uyent azar, ideg ttidirent. S umata, d iɗrisen i d-ilulen (i d-yettlalen) deg tmetti, yes-sen i sawɗen yimdanen ad mmeslayen, ad gen taywalt gar-asen.

3. Tiwsatin deg tmaziyt

Ilmend n Meksem (2016), llant tewsat-in-a deg tmaziyt :

- ***Tiwsatin tiyurbizin*** : d tiwsatin i d-yettwaxedmen ya deg uyerbaz akka am aymis n uyerbaz, , ya i uyerbaz akka am udlisfus d wayen i itteddun yid-s. rnu yer waya ayen akk itteddun d urmud n uselmed akka am : tazabut (tinirut), iluyma, timudam, isenfareen, ineskinen, ikayaden, iɗrisen i d-yettfaras unelmad berra i uyerbaz maca i uyerbaz, isegzawalen iyurbizen,... tiwsatin-nniɗen dayen zemren ad uyalent d tiwsatin tiyurbizin asma ara kecmant yer din.

- ***Tiwsatin n uslizri*** : asaru, amazrar, aymis (n yisalen), arupurtaj,...

- ***Tiwsatin n tsekla*** : llant tewsat-in timensayin (tamacahut, asefru, taqsidt, taqsit,...) ; rnant tewsat-in tatarin i d-yennulfan taggara-ya kan akka am : ungal, tullist, tamedyezt yuran,...

- ***Tiwsatin tussnanin*** : aya d analkam n tguri n tmaziyt deg tesdawit. D ayen i d-yennulfan seg usmuzzey n unadi ussanan deg tesdawit : ikatayen n turagt d master ttwaxdamen s tmaziyt, ɗefren yikatayen n majjistir d tesrusin n duktura. Taggara-ya, rnan-d yimagraden ussananen s tmaziyt : d ayen ara naf deg tyeryert ASJP (Tiyeryert tazayrit n tesyunin tussnanin).

- **Tiwsatin tumḍinin** : d ayen akk ara naf deg umaḍal umḍin (d ayen ikecmen deg taεult n tsenselkimt akked internet). Maca, tikwal d ayen yellan yakan zik s lkayεd i yettuyalen s talya tumḍint.

4. Tiwsatin i yellan deg Asegzawal n tewsatn n yiḍrisen... (Meksem d Salhi, 2022)

- aḍris n ucayel
- addad n tegnewt
- adiwenni
- aḍris afuklan
- aḍris imwelleh
- aḍris n *facebook*
- amezgun/tamezgunt (1)
- amezgun (2)
- asaru unniy
- asussen
- izli
- tafsiḥt
- tamacahut
- tamedyazt
- tasafart n uniwel
- tazwert
- tigejdit
- timseeraq
- tinfaliyin timezdiyin
- tinfaliyin tukrifin
- tizlit
- tullist
- umyi
- ungal

Tiybula

- MEKSEM Z., 2016, « Entre les sphères d'activités et la langue, il y a le genre » in *Cahiers de linguistique* n 42/1, 197-209. Mélanges en hommage à Ahmed BOUKOUS sous la direction de M. Rispaïl et L. Messaoudi. (zer E-learning)

- MEKSEM Z. D SALHI M/A (d inemhalen), 2022, Asegzawal n tewsatin n yiḍrisen n tmaziyt-taqbaylit, HCA-Loumi, Lezzayer.

- CHARTRAND SUZANNE-G., ÉMERY-BRUNEAU, J. et SÉNÉCHAL, K. avec la coll. de Pascal Riverin (2015). *Caractéristiques de 50 genres pour développer les compétences langagières en français*. Québec : Didactica, c.é.f.; en ligne : www.enseignementdufrancais.fse.ulaval.ca